

## PASIËNT INLIGTINGSTUK

### Inligting vir die Pasiënt oor FLORA FORCE® FENUGREEK Kapsules

Westerse kruiegedesinye.

Hierdie medisyne is nie deur die Medisynebeheerraad geëvalueer nie. Hierdie medisyne is nie bedoel om enige siekte te diagnoseer, behandel, genees of te voorkom nie.

#### SKEDULERINGSSTATUS:

Ongeskeduleerd.

#### EIENDOMSNAAM, STERKTE EN FARMASEUTIESE VORM:

FLORA FORCE® FENUGREEK kapsules.

Lees hierdie inligtingstuk sorgvuldig deur, want dit bevat belangrike inligting vir u. FLORA FORCE® FENUGREEK kapsules is sonder 'n doktersvoorskrif beskikbaar om geringe siekte te behandel. Nogtans moet u steeds FLORA FORCE® FENUGREEK kapsules versigtig gebruik om die beste resultate daarvan te verkry.

- Hou hierdie inligtingstuk, dit mag nodig wees dat u dit weer lees.
- Moenie FLORA FORCE® FENUGREEK kapsules met enige ander persoon deel nie.
- Vra u apteker indien u meer inligting of raad benodig.
- U moet 'n dokter raadpleeg indien u simptome vererger of nie verbeter nie.

#### WAT FLORA FORCE® FENUGREEK KAPSULES BEVAT:

Elke FLORA FORCE® FENUGREEK kapsule bevat:

AKTIEWE BESTANDELE	HOEVEELHEID
Trigonella foenum-graecum saadpoëier	500 mg

Onaktiewe bestandele is plantaardige kapsules.

FLORA FORCE® FENUGREEK kapsules bevat nie suiker of laktose nie.

#### WAARVOOR FLORA FORCE® FENUGREEK KAPSULES GEBRUIK WORD

FLORA FORCE® FENUGREEK kapsules word tradisioneel gebruik om laktasie te bevorder.

#### VOORDAT U FLORA FORCE® FENUGREEK KAPSULES GEBRUIK:

##### **MOENIE FLORA FORCE® FENUGREEK kapsules neem NIE:**

- Indien u allergies is vir enige van die aktiewe of onaktiewe bestandele in FLORA FORCE® FENUGREEK kapsules.
- Indien u 'n bloedsafwyking het (sien "Neem spesiale sorg met FLORA FORCE® FENUGREEK kapsules").
- Indien u met diabetes gediagnoseer is (sien "Neem spesiale sorg met FLORA FORCE® FENUGREEK kapsules").
- Indien u chirurgie moet ondergaan (sien "Neem spesiale sorg met FLORA FORCE® FENUGREEK kapsules").
- Indien u swanger is (sien "Swangerskap en borsvoeding").

##### **Neem spesiale sorg met FLORA FORCE® FENUGREEK kapsules:**

Bespreek asseblief die gebruik van FLORA FORCE® FENUGREEK kapsules met u dokter indien u:

- Aan 'n bloedsafwyking ly. Dit mag nodig wees dat u bloedvlakke meer gereeld gemonitor moet word wanneer behandeling met FLORA FORCE® FENUGREEK kapsules begin of gestaak word (sien "MOENIE FLORA FORCE® FENUGREEK kapsules neem NIE").
- 'n Diabeet is. Dit mag nodig wees dat u bloedsuikervlakke meer gereeld gemonitor moet word (sien "MOENIE FLORA FORCE® FENUGREEK kapsules neem NIE").
- Wanneer chirurgie beplan moet word (sien "MOENIE FLORA FORCE® FENUGREEK kapsules neem NIE").
- Warfarien of enige ander bloedverdunningsmedisyne gebruik. Dit mag nodig wees dat u INR (Internationale Normale Ratio) vlakke meer gereeld gemonitor moet word wanneer behandeling met FLORA FORCE® FENUGREEK kapsules begin of gestaak word (sien "Die neem van ander medisyne saam met FLORA FORCE® FENUGREEK kapsules").

Die gebruik van FLORA FORCE® FENUGREEK kapsules deur kinders en jongmense onder die ouderdom van 18 jaar, word nie aanbeveel nie (sien "HOE OM FLORA FORCE® FENUGREEK KAPSULES TE NEEM").

##### **Neem FLORA FORCE® FENUGREEK kapsules met kos en drinkgoed:**

FLORA FORCE® FENUGREEK kapsules behoort na kos en met water geneem te word.

##### **Swangerskap en Borsvoeding:**

Die veiligheid van FLORA FORCE® FENUGREEK kapsules gedurende swangerskap is nie bepaal nie. Vermoed die gebruik van FLORA FORCE® FENUGREEK kapsules indien jy swanger is.

**Indien u swanger is of u baba borsvoed, raadpleeg asseblief u dokter, apteker of ander professionele gesondheidsorgwerker vir advies voordat u FLORA FORCE® FENUGREEK kapsules gebruik.**

##### **Bestuur en die gebruik van masjinerie:**

Geen studies rakende die effek op die vermoë om te bestuur en masjinerie te hanteer, is uitgevoer nie. Dit is onwaarskynlik dat FLORA FORCE® FENUGREEK kapsules u vermoë om te bestuur of masjinerie te hanteer, sal belemmer. U moet egter versigtig wees wanneer u bestuur of masjinerie gebruik, totdat u weet hoe FLORA FORCE® FENUGREEK kapsules u affekteer.

##### **Belangrike informasie omtrent die bestandele van FLORA FORCE® FENUGREEK kapsules:**

FLORA FORCE® FENUGREEK kapsules is suikervry.

##### **Die neem van ander medisyne saam met FLORA FORCE® FENUGREEK kapsules:**

**Stel altyd u professionele gesondheidsorgpraktisyn in kennis indien u enige ander medisyne gebruik. (Dit sluit komplimentêre en tradisionele medisyne in).**

Bespreek asseblief die gebruik van die volgende medisyne in kombinasie met FLORA FORCE® FENUGREEK kapsules met u dokter of apteker:

- Teofilien, vir die behandeling van asemhalingsprobleme soos COPD (chroniese obstruktiwe pulmonêre siekte) en asma.

Die dosis van die bogenoemde medisyne moet dalk aangepas word indien dit tesame met FLORA FORCE® FENUGREEK kapsules gebruik word.

Indien die bogenoemde medisyne op dieselfde tyd as FLORA FORCE® FENUGREEK kapsules geneem word, kan dit hul effektiwiteit verlaag of verhoog. Hierdie medisyne moet ten minste 2 ure vóór of ná FLORA FORCE® FENUGREEK kapsules geneem word.

Bespreek ook die gebruik van die volgende medisyne in kombinasie met FLORA FORCE® FENUGREEK kapsules met 'n dokter of apteker:

- Warfarien en ander bloedverdunningsmedisyne. FLORA FORCE® FENUGREEK kapsules mag potensieel die effek van bloedverdunding verhoog. Dit mag nodig wees dat u INR-vlakke meer gereeld gemonitor moet word wanneer FLORA FORCE®

FENUGREEK kapsules geneem word (sien "Neem spesiale sorg met FLORA FORCE® FENUGREEK kapsules").

- Anti-diabetiese medisyne, aangesien FLORA FORCE® FENUGREEK kapsules bloedsuikervlakke verder mag verlaag. Monitor die bloedglukose / suikervlakke gereeld indien u FLORA FORCE® FENUGREEK kapsules en anti-diabetiese medisyne in kombinasie neem.

#### HOE OM FLORA FORCE® FENUGREEK KAPSULES TE NEEM:

Moenie jou medisyne met enige iemand anders deel nie.

Neem FLORA FORCE® FENUGREEK kapsules altyd presies soos aangedui. U moet met u dokter of apteker bevestig indien u onseker is. **MOENIE DIE VOORGESKREWE DAAGLIKSE DOSIS OORSKRY NIE.**

##### **Volwassenes (18 jaar en ouer):**

Neem 2 kapsules 2 maal daagliks met maaltye of soos voorgeskryf deur u dokter, apteker of gesondheidsorgpraktisyn.

##### **Kinders (onder 18 jaar):**

Nie aanbeveel vir gebruik nie (sien ook "Neem spesiale sorg met FLORA FORCE® FENUGREEK kapsules").

FLORA FORCE® FENUGREEK kapsules mag vir 'n tydperk van tot 12 weke geneem word. Daarna moet 1 week volg waar geen kapsules geneem word nie. Die siklus kan dan weer herhaal word. Indien u enige nuwe-effekte of ongemak ervaar, raadpleeg 'n gesondheidspraktisyn.

##### **Indien u meer FLORA FORCE® FENUGREEK kapsules neem as wat u behoort:**

Indien meer FLORA FORCE® FENUGREEK kapsules geneem is as wat nodig was mag u 'verhoogde hartritme, verhoogde bloeddruk en borspyn ervaar. In die geval van oordosering, raadpleeg u dokter of apteker. Indien nie een van hulle beskikbaar is nie, kontak die naaste hospitaal of gifbeheersentrum.

##### **Indien u vergeet om FLORA FORCE® FENUGREEK kapsules te neem:**

Neem FLORA FORCE® FENUGREEK kapsules altyd soos aangedui. Indien u 'n dosis vergeet het, neem dit sodra u onthou. Indien u nie die vergeete dosis onthou voordat dit tyd is vir die volgende dosis nie, slaan die dosis wat vergeet is oor en keer terug na u gewone doseringskedule van twee kapsules twee maal per dag. Moenie 'n dubbele dosis neem om te vergoed vir die vergeete individuele dosis nie.

##### MOONTLIKE NUWE-EFFEKTE:

FLORA FORCE® FENUGREEK kapsules mag nuwe-effekte veroorsaak.

Hierdie inligtingstuk bevat nie al die nuwe-effekte wat vir FLORA FORCE® FENUGREEK kapsules aangemeld is nie. Indien u algemene gesondheid agteruitgaan of indien u enige ongewenste effekte ervaar terwyl FLORA FORCE® FENUGREEK kapsules gebruik word, raadpleeg asseblief u dokter, apteker of ander professionele gesondheidsorgwerkers vir advies.

Ernstige nuwe-effekte wat u (of 'n familielid, indien u nie self in staat is om dit te doen nie) onmiddellik aan u dokter moet rapporteer, sluit in:

- 'n Allergiese reaksie wat moontlik gepaard gaan met nasale kongestie, heesheid, aanhoudende hoë, gehyg, swelling van die gesig, tong of hele liggaam.
  - Tekens van skok, soos lae bloeddruk, vinnige vlak asemhaling, koue en klam vel, vinnige swak pols, duiseligheid, floute of swakheid.
  - Tekens van verlaagde bloedsuiker, soos lighoofdigheid, dubbel visie, en verwarring
- Nuwe effekte wat u so gou as moontlik aan u dokter moet rapporteer:
- Vermeerde urine-uitskeiding.
- Nuwe effekte wat u aan u dokter of apteker moet rapporteer indien dit aanhou of kwelend raak, sluit in:
- Gastro-intestinale afwykings soos:
    - Sooibrand, ongemak in die maag en maagpyn, los stoelgange, opgeblaasde buik en winderigheid.
    - Soet urine reuk.

Stel asb u dokter of apteker in kennis indien u enige nuwe-effekte opmerk wat nie in hierdie inligtingstuk genoem word nie.

##### BERGING EN WEGDOENING VAN FLORA FORCE® FENUGREEK KAPSULES:

Berg teen of benede 25 °C, op 'n droë plek.

Beskerm teen lig.

Moenie die kapsules ná die vervaldatum wat op die verpakkingsmateriaal gedruk is, gebruik nie.

Neem alle ongebruikte kapsules na u apteker terug.

Moenie ongebruikte kapsules in dreine of rioolsisteme (bv. toilette) weggooi nie.

HOU ALLE MEDISYNE BUIE BEREIK VAN KINDERS.

##### VERPAKKING VAN FLORA FORCE® FENUGREEK KAPSULES:

60 kapsules verpak in 'n 125ml amber glas bottel met ligte groen kleurige skroef deksel met 'n veiligheids seël in 'n boks

##### IDENTIFIKASIE VAN FLORA FORCE® FENUGREEK KAPSULES

Deursigtige, plantaardige kapsule, grootte 0, met geel groen kruie poëier inhoud.

##### REGISTRASIONOMMER / VERWYSINGSNOMMER:

Moet ge-allokeer word.

##### NAAM EN BESIGHEIDSADRES VAN DIE REGISTRASIEHOUER:

Flora Force Health Products (Pty) Ltd.

Einheid 3 Regent Park

Bell Crescent

Westlake

Kaapstad

RSA

##### DATUM VAN PUBLIKASIE VAN HIERDIE PASIËNTINLIGTINGSTUK:

Moet ge-allokeer word.